



## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ



### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ՃԳՆԱԺԱՄԱՅԻՆ ԿԱՌԱՎԱՐՄԱՆ ՊԵՏԱԿԱՆ ԱԿԱԴԵՄԻԱՅԻ ԵՎ ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏԻ ՄԻՋԵՎ

**Հաշվի առնելով**, որ Կողմերն ընդունում են փոխադարձ համագործակցությունը և փորձի փոխանակումը,

**Նկատի ունենալով**, որ համատեղ համագործակցությունը հնարավոր է միայն կառուցողական փոխգործակցության և փոխօգնության կազմակերպմամբ,

**Կարևորելով** ֆիզիկական կուլտուրայի և սպորտի դերը ճգնաժամային կառավարման համատեքստում,

**Ընդունելով** կամավորական միասնական ջոկատներ ստեղծելու և զարգացնելու Կողմերի ջանքերը և պատրաստակամությունը,

**Հիմք ընդունելով** սույն Հուշագիրը և փոխադարձ պայմանավորվածությունները.

**Կողմերը համաձայնեցին հետևյալի շուրջ՝**

#### 1. Համագործակցության նպատակը

Սույն Հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

#### 2. Համագործակցության ուղղությունները

- 2.1 Կողմերն իրականացնում են մասնագիտական և ասպիրանտական հետազոտական համատեղ ծրագրեր:
- 2.2 Ինստիտուտը կազմակերպում և իրականացնում է ֆիզիկական պատրաստվածության դասընթացներ հրշեջ-փրկարարների համար Ինստիտուտի կամ Ակադեմիայի համապատասխան տարածքներում՝ համաձայն կողմերի միջև հետագայում հաստատվող դասընթացի պլանի և ժամանակացույցի:
- 2.3 Ստեղծում են կամավորական ուսանողական թիմեր և միասնական ջոկատներ և համակարգում են նրանց աշխատանքները,
- 2.4 Իրականացնում են փոխայցելություններ ուսանողական պրակտիկաների ընթացքում,
- 2.5 Երկկողմանի հետաքրքրություն ներկայացնող ուսումնակրթական (սպորտային, վերականգնողական, առողջարանական և այլն) բնույթի ծրագրերի, այդ թվում՝ համապատասխան ոլորտներում համատեղ հետազոտությունների իրականացում:

- 2.6 Կազմակերպում են միջազգային գիտական կոնֆերանսների, սեմինարների, ստեղծագործական բանավեճերի, խորհրդակցությունների համագործակցության շրջանակներում,
- 2.7 Գիտական, մասնագիտական գրականության, մեթոդական ձեռնարկների, աշխատությունների, պարբերականների և այլ նյութերի փոխանակում:
- 2.8 Համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցել և ստանալ:
- 2.9 Կողմերի գրադարանային ֆոնդի համատեղ օգտագործում:

### 3. Համագործակցության սկզբունքները

Կողմերը սույն Հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

### 4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն Հուշագրի լրացումներն ու փոփոխությունները համարվում են Հուշագրի անբաժանելի մասը:
- 4.3 Սույն Հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել Հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն Հուշագիրը ուժի մեջ է մտնում ստորագրման պահից և գործում անժամկետ:

### Կողմերի վավերապայմանները և ստորագրությունները

#### Կողմ 1

Հայաստանի Հանրապետության  
արտակարգ իրավիճակների  
նախարարության Ճգնաժամային  
կառավարման պետական ակադեմիա  
ք. Երևան, Աճառյան 1,  
Ռեկտոր Համլետ Մաթևոսյան

  
ստորագրություն

Կ.Տ.

#### Կողմ 2

Հայաստանի ֆիզիկական կուլտուրայի և  
սպորտի պետական ինստիտուտ

ք. Երևան, Ալեք Մանուկյան 11  
Դեկանոսի ժ/պ՝ Դավիթ Խիթարյան

  
ստորագրություն

